

St. Michaelis tag. Das andir hundirt uff den nestin Lipcziger jarmarkt nach osterin unde dye andern leczistin funffczig gulden uff Michaelis darnach nehist komende. Das selbige hat geteidingit Andren Wetterhan, burgermeister, Nickil Lasan, Jost Pasynkese, Hans von der Olsznych, Hans Cappellir unde Nicolae Trettwyn etc.

615.

1429 Oktober 29

Claus Schonenbach verpfändet einen Garten.

fol. 100v Wisszet das vor uns in eynen siczinden rat komen ist Clawis Schonenbach unde hat uffgelasszin synen stoffbrudirn eynen garthen, gelegen vor dem Nedirnthor, vor funff gulden zcu eynem willigen phande, also das sye sich yres geldis vor ydermenlich daran irholen sullen. Actum sabbato post Symonis et Jude apud magistrum civium Wetterhan anno XXIX^o.

616.

1429 --

Barthel Weisgerber verpfändet sein Haus.

fol. 100v ^(a)Wisszit das vor uns komen ist in eynen siczinden rat Barthil Wisszgerbir, unser metheburger, unde hat uffgelasszin sin hus, das hey Snorinphusz kyndern abe gekaufft hat, czu eyme willigen phande vor czehen gulden, das sye sich yres geldis vor ydirmenlich daran irhalen sullen. Actum apud magistrum circum Wettirhan et suorum consedentium anno etc. vicesimo XXIX^o.

a) alles durchgestrichen

617.

1429 --

Nickel Grand kauft das Erbe von Conrad Thichler und setzt es als Pfand ein.

fol. 101r ^(a^b)Wisszit das vor uns in eynen siczinden rat komen ist Nickil Grand, unser metheburger, und hat vor uns bekant, wy das hey Conrad Thichler vorkaufft habe eyn erbe, gelegin bye dem wyedech, unde eyn wese, gelegen kegen dem crucze nederwendig Rybinsztorff. Das selbe erbe hat hey ym wedir in gesaczit zcu eynem willigin phande vor sebenczig rynische,